

補續全蜀藝文志

補續全蜀統文志卷之三十一

黃岡杜應泰

景陵胡承詔

裁訂

譜類

東坡年譜

仁宗皇帝景祐三年丙子十二月十九日乙卯時先生生實仁宗卽位之十一年也按先生送沈達詩云嗟我與君皆丙子又按玉局文云十二月十九日東坡生日置酒赤壁磯上又按志林云退之以

磨蝎爲身官而僕以磨蝎爲命官若以磨蝎爲命
推之則爲卯時生議者以先生十二月爲辛丑月
十九日爲癸亥日丙子癸亥水向東流故才氣汗
漫而澄清子卯相刑晚年多難東坡志林云韓退
之詩我生之辰月宿南斗乃知退之以磨蝎爲身
官僕以磨蝎爲命官平生多得謗譽殆同病也
慶曆二年壬午先生七歲知讀書搜先生長短句集
洞仙歌自序云僕七歲時見眉州老尼姓朱年九
十餘能知孟昶宮中事又考涪齋夜話載先生云

某七八歲時嘗夢游陝右

三年癸未先生八歲入小學校先生作范文正公文
集序云慶曆三年某始入鄉校士有自京師來以
魯人石守道慶曆聖德詩示鄉先生某從旁竊觀
問先生十一人何人也先生曰童子何用知之某
曰此天人也耶則不敢知若亦人耳何爲其不可
五年乙酉先生年十歲按子由作先生墓誌云公生
十年而先君宦學四方太夫人親授以書問古今
成敗輒能語其要太夫人讀東漢史至范滂傳慨

然太息公侍側曰某若爲滄夫人亦許之否乎夫
人曰汝能爲滄吾顧不能爲傍母耶又按大全集
載東坡少時語云秦少章言東坡十來歲老蘇曾
令作夏侯太初論有人能碎千金之壁不能無失
聲於破釜能搏猛虎不能無變色於蜂蠆之語又
按趙德麟听編侯鯖錄云東坡年十歲見老蘇誦
歐公謝宣召赴學士院仍謝賜對衣金帶及馬表
老蘇令坡擬之其問有匪伊垂之帶有餘非敢後
也馬不進老蘇喜曰此子他日當自用之

七年丁亥先生年十二按先生所坐天石硯銘曰某
年十二時於所居紗縠行宅隙地中與羣兒鑿地
爲戲得異石鏗然扣之有聲

皇祐四年壬辰先生年十七按長短句滿庭芳序云
余年十七始與劉仲達往來於眉山

至和元年甲午先生年十九始娶眉山青神王方女
按先生作王氏墓誌云生十有九歲而歸於某至
治平二年而王氏卒

二年乙未先生年二十游成都謁張安道按先生作

樂全先生文集序云某年二十以諸生見公成都
一見待以國士有鼃羹叔是年求交先生按送羹
叔詩云我生二十無朋儔當時四海一子由君來
扣門若有求

嘉祐元年丙申先生年二十一舉進士按鳳鳴驛記
云始余丙申歲舉進士過扶風求舍於館人不可
而出次於逆旅

一年丁酉先生二十二赴試禮部按先生作興國六
祖畫贊云余嘉祐初舉進士館於興國書院時

歐陽文忠公考試得先生刑賞忠厚之至論以爲
異人欲冠多士疑曾子固所爲子固文忠門下士
也乃真第二復以春秋對義居第一及殿試章衡
勑中進士乙科又按先生作太息一篇送秦少章
歸京云咎吾舉進士試名於禮部歐陽文忠公見
吾文旦曰此吾輩人也吾當避之是年四月丁太
夫人武陽君程氏憂按司馬溫公作程夫人墓誌
云夫人以嘉祐二年四月癸丑終於鄉里
四年己亥先生年二十四服除十二月侍老蘇舟行

適楚按先生南行前集序云己亥之歲侍行適楚舟中無事雜然有觸於中而發於詠嘆蓋家君之作與弟轍之文皆在焉因謂之南行集

五年庚子先生年二十五授河南府福昌縣主簿有新渠詩其序云庚子正月予過唐州太守趙侯始復之陂疏召余爲新渠詩五章以告於道路致侯之意

六年辛丑先生年二十六應中制科入第三等有應制科上兩制書及上富丞相書又有謝應中制科啓

授大理評事鳳翔府僉判按先生有感舊詩序云
嘉祐中予與子由奉制策寓居懷驛時年二十
六子由年二十三是年十二月赴鳳翔任與子由
別

七年壬寅先生年二十七宦於鳳翔二月有詔郡
吏分往屬外決囚作詩五百言寄子由

八年癸卯先生年二十八官於鳳翔作思治論

英宗皇帝治平元年甲辰先生年二十九官於鳳翔
二年乙巳先生年三十自鳳翔罷任按子由作先生

墓誌銘云治平二年罷還判登聞鼓院 英宗皇帝在藩邸聞先生名欲以唐故事召入翰林宰相限以近例召試秘閣皆入三等得直史館是年通義郡君王氏卒於京師

三年丙午先生年三十一在京師直史館丁老蘇憂扶護歸蜀按歐陽文忠公作老蘇墓誌云明允太常因革禮書一百卷書成方奏未報而卒 英宗皇帝聞而傷之命有司具舟載其喪歸葬于蜀

四年丁未先生年三十二居服制以八月壬辰葬老

蘇於眉州

神宗皇帝熙寧元年戊申先生年二十三免喪按四
菩薩閣記云載四菩薩版以歸無免喪嘗與往來
浮屠人勸某爲先君捨施爲大閣以燕之佗記乃
熙寧元年十月

二年己酉先生年三十四還朝監官告院按烏臺
詩話云熙寧二年某在京授差遣與王詭寫詩賦
及蓮華經

三年庚戌先生年三十五監官告院有送章子平詩

其序云熙寧三年子平自右司諫直集賢院出牧
鄭州賦詩餞之烏臺詩話云舊例館閣補外同舍
餞送必分韻是年范景仁嘗舉先生充諫官

四年辛亥先生年三十六任監官告院兼判尚書祠
部王荊公欲變科舉 上使兩制三館議之先生
獻三言荊公之黨不悅命攝開封府推官有奏罷
買燈疏御史知雜事誣奏先生過失先生不辯乞
外任避之除通判杭州有赴任過楊州與劉貢甫
孫巨源劉萃老相聚數月用逐人字作詩十一月

到任有初到杭州寄子由兩絕

五年壬子先生年三十七在杭州是歲有牡丹記
序云熙寧五年三月二十三日余從太守沈公觀
花於吉祥寺是年科場先生監試八月十七日登
望湖樓是日榜出有送杭州進士詩序云熙寧五
年錢塘之士貢於禮部者九人十月乙酉宴於中
和堂作是詩以勉之十二日運司差先生往湖州
相度堤圩利害與湖州太守孫莘老相見有贈莘
老七絕臘月游孤山訪惠勤惠思二僧

六年癸丑先生年三十八在杭州有八月十五觀湖
詩寫於安濟亭上及作 仁宗皇帝飛白記其略
云熙寧六年冬以事至姑蘇安簡王公子晦出所
賜公端敏二字又有作錢塘六井記其略云熙寧
五年太守陳公述古至問民之利病明年春六井
畢修故詳其語以告後人運司又差先生往潤州
道出秀州錢安道送茶和詩

七年甲寅先生年三十九在杭州正月遊風水洞推
官李泌先行三日留風水洞相待有詩題壁是年

納侍妾朝雲墓誌云朝雲姓王氏錢塘人事先生
二十有三年來事先生方十二歲先生以子由在
濟南求爲東州守按子由超然臺賦序云子瞻通
守餘杭三年不得代以轍之在濟南也求爲東州
守旣得請高密五月乃有移知密州之命則通判
杭已四載矣按先生辛未別天竺觀音詩序云余
管通守錢塘移蒞膠西以九月二十日來別南北
山道友又按先生記游松江說云吾管自杭移高
密與楊元素同舟而陳令舉張子野皆從余過李

公擇於湖遂與劉孝叔俱至松江夜半月出置酒
垂虹亭上子野年八十五以歌詞聞於天下作定
風波令及道過常州爲錢公輔作哀辭及有與段
屯田詩云龍鍾三十九勞生已強半歲暮日斜時
還爲俗人嘆是年又有師子屏風贊云潤州甘露
寺有唐李衛公所聖陸探微畫師子版余自錢塘
移守膠西過而觀焉是年先生在潤州道上過除
夜有潤州道上過除夜兩絕

八年己卯先生年四十一到密州任有上韓丞相論災

傷書到任三十餘日又論密州鹽稅又作後杞菊
賦其序云予仕宦十有九年家日益貧移守膠西
齋廚索然

九年丙辰先生年四十一在密州作刻秦篆記云熙
寧九年丙辰蜀人蘇某來守高密是年中秋歡飲
達旦作水調歌頭懷子由及作薄薄酒二章

十年丁巳先生年四十二在密州就差知河中府已
而改知徐州四月赴徐州任按子由作先生墓誌
云自密徙徐與子由相會於澶濮之間相約赴彭

城留百餘日宿於逍遙堂子由有兩絕先生和之
徐州水患大作七月十七日河決澶州曹村八月
二十一日及徐州城下先生治水有功至十月五
日水漸退城以全 朝廷降詔獎諭作河復詩

元豐元年戊午先生年四十三在徐州任適值春旱
徐州城東二里有石潭置虎頭其中可致雷雨
乍起伏龍行是年三月始識王廼子高闢與仙人
周瑤英遊作芙蓉城詩三月有 旨賜錢二千四
百一十萬起夫四千二十三人及發常平錢米救

築徐州外小城創木岸四以獎諭 勅記併刻諸
石爲熙寧防河錄云廼卽徐州城之東門爲大樓
聖以黃土名之曰黃樓以土實勝水故也子山作
黃樓賦先生跋云元豐元年八月癸丑樓成九月
庚辰大合樂以落之又府中秋月三首云六年逢
此月五年照離別先生注云中秋有月凡六年矣
惟去歲與子由會於此

二年己未先生年四十四在徐州正月己亥同畢仲
孫舒煥八人游泗之上登石室使道士戴日祥鼓

雷氏琴先生有記按王局文云僕在徐州王子立
子敏皆館於官舍而蜀人張師厚來過二王方年
少吹洞簫飲酒杏花下三月自徐州移知湖州按
先生作張氏園亭記云余自彭城移守吳興由宋
登舟三宿而至是年四月二十九日到湖州任王
子立子敏皆從先生作子立墓誌云子立子敏皆
從余學於吳興學道洞進東南之士稱之是歲言
事者以先生湖州到任謝表以爲謫七月二十八
日中使皇甫遵道湖州追攝按新立墓誌云子得

罪於吳興親戚故人皆驚散獨兩王子不去逮予
出郊曰死生禍福天也公其如天何遂取予家致
之南都又按先生上文潞公書云某始就逮赴獄
有一予稍長徒步相隨其餘守舍皆婦女幼稚至
宿州御史符下就家取書州郡望風遣吏發卒圍
船搜取長幼幾怖死既去婦女恚罵曰是好著書
書成何所得而怖我如此悉取焚之十二月二十
日聞 太皇太后升遐更以某罪人不許減服欲
與則不可欲泣則不敢作挽詩二首已而獄具十

二月二十九日責授黃州團練副使本州安置是
年子由聞先生下獄上書乞以見任官職贖先生
罪責筠州潛官出獄用次寄子由二詩韻有百日
歸期恰及春之句先生自八月坐獄至是踰百日
矣

三年庚申先生年四十五責黃州自京師道出陳州
子由自南郡來陳相見三日而別乃正月十四日
也至十八日蔡州道上遇雪有次子由韻古詩二
首過新息縣有示鄉人任師中一首任役字師中

眉州人嘗作黃州卜居新息故先生以詩示之至
岐亭訪故人陳慥季常爲留五日賦詩一首而去
乃以二月一日至黃州寓居定惠院按先生別王
文甫子辨云僕以元豐三年二月一日到黃州家
在南都獨與兒子邁來是年五月子由來齊安先
生有曉至巴河迎子由詩乃與子由同游武昌西
山寒溪寺定惠有海棠一株土人不知貴先生作
詩有也知造物有深意故遣佳人在幽谷之句按
近日黃州東坡圖云先生寓居定惠未久以是年

遷臨臯亭先生復就臨臯亭立南堂至八月先生
乳母任氏卒於臨臯亭葬於黃岡按先生上文潞
公書云到黃州無所用心覃思易論語若有所得
由是言之先生到黃定居之後卽作易傳九卷論
語五卷矣

四年辛酉先生年四十六在黃州居臨臯亭正月往
岐亭訪陳季常路獲一鑑有鑑銘云元豐四年正
月余自齊安往岐亭泛舟而還過古黃州獲一鑑
周尺有二寸東坡八首序云余至黃二年日以因

置故人馬上卿哀予乏食於郡請故管地使躬耕
其中今以東坡圖考之辛酉方管東坡次年壬戌
始築雪堂故贈孔毅甫詩云去年東坡拾瓦礫今
年刈草葢雪堂是也

五年壬戌先生年四十七在黃州寓居臨臯亭就東
坡築雪堂號東坡居士自黃州城南至雪堂四百
三十步雪堂問曰蘇子得廢圃於東坡之脇號其
正曰雪堂以大雪中爲之因繪雪於四壁之間間
無容隙其名起於此先生又自書東坡雪堂四字

扁之堂前有細柳有浚井西有微泉堂之下有大
冶長老桃花茶葉元修菜何氏叢橘種秔稌時棗
栗有松期爲可斷種麥以爲奇事作陂塘植黃桑
皆足以供先生之歲用爲雪堂之勝景又以長短
句擬斜川觀之元體在城之春尋躬耕東坡築雪
堂以居南挹西望亭之後西控北山之微泉慨然
而嘆此亦斜川之游也是年三月先生以事至蘄
水有春夜行蘄水過酒家飲酒秉明燈一橋上曲
肱以休坐西江月詞又游蘄水清泉寺作浣溪沙

詞又作寒食詩二首云自我來黃州已見三寒食
太守徐君猷分新火先生有詩謝之云臨臯亭中
一危坐三見清明改新火七月遊赤壁有赤壁賦
十月又游有後赤壁賦云十月旣望蘇子步自雪
堂將歸於臨臯則壬戌之冬未遷而先生以甲子
六月過汝則居雪堂止年餘耳

六年癸亥先生年四十八在黃州爲通判孟嘉之跋
子由君子泉銘又有記承天夜游云元豐六年十
月十二夜解衣欲睡月色入戶欣然起行念無與

樂者遂步至承天寺尋張懷民懷民亦來睡相與
步於中庭庭中如積水空明水中藻荇交橫蓋竹
柏影也何夜無月何處無竹柏但少閒人如吾兩
人耳又夢中作祭春牛文云元豐六年十二月二
十七日天欲明夢數吏人持紙請祭春牛文予取
筆疾書其上

七年甲子先生年四十九在黃州二月與徐得之參
寥子步自雪堂至乾明寺有碑中庵題名文有記
定惠寺海蒙說四月乃有堽移汝州之命則先生

居黃五載矣按先生長短句滿庭芳序云四月
日余將自黃移汝留別雪堂鄰里二三君子李仲
覽來書以遺之詞中有坐見黃州再聞之句按東
坡圖云郡人潘邠老及弟大觀俱以詩知名從先
生游先生去以雪堂付之邠老因居焉黃州送先
生者皆至慈湖陳季常獨至九江旣到江州因游
廬山有記遊廬山說云僕初入廬山山谷奇秀平
生所欲見應接不暇不欲作詩已而山中僧俗皆
曰蘇子瞻來矣不覺作一絕入開先寺主僧求詩

伯瀑布一絕往來十餘日作漱玉亭三峽橋詩與
總老同游西林有贈總老及題西林壁皆絕句也
又有寫寶蓋頌與僊長老其序云圓通禪院先君
舊遊也四月二十四日晚至宿焉明日先君忌日
寫寶蓋頌以贈長老僊公蓋先生端午已在筠州
計程必作官師忌日之後卽爲高安之行按跋李
志中文云元豐七年某舟行赴汝乃自富川陸走
高安別家弟子由以冷齋夜話考之子由在筠州
雲庵居洞山聰禪師亦蜀人居壽聖寺一夕三人

同夢迎五祖戒和尚拊手大笑曰並間果有同夢者異哉久之東坡書至曰已至奉新旦夕相見三人同出二十里建山寺而東坡至各追繹所夢坡曰某年七八歲時常夢某身是僧往來陝右雲庵驚曰戒禪師陝右人也暮年棄五祖來游高安終於大愚逆數蓋五十年而坡時正年四十九在筠州爲留十日七月過金陵有與葉致遠唱和詩途中又有送沈遼赴廣南詩云嗟我與君皆丙子四十九年窮不死又云我方北渡脫重江君復南行

輕萬里逼歲到泗州十二月十八日浴雍熙塔下
作如夢令兩闕又作滿庭芳與劉元達序云余年
十七與仲達往來於眉山四十九相逢於泗上晦
日同游南山話舊感歎又有謝黃師是除夜送酥
酒詩先生上表乞於常州居住其略云今雖已至
泗州而費用罄竭見一面前去南京聽候 朝旨
又考騾馱驛試筆云正月四日離泗州則是除夜
在泗州明矣

八年乙丑先生年五十按大全集雜說騾馱驛試筆

云今日離泗州然若方上書式居常州及到南京
有放歸陽羨之命遂居常五月內復朝奉郎知登
州再過密州到郡五日以禮部郎召到省半月除
起居舍人在登州有海市詩又有別登州舉人詩
有休嫌五日忽忽守之句

哲宗皇帝元祐元年丙寅先生年五十一以七品服
入侍延和改賜銀緋尋除中書舍人按志林云元
祐元年余爲中書舍人復遷翰林學士知制誥任
中書舍人出舉江寧府司理周種充學官及除內

翰又有舉膺直自代狀

二年丁卯先生年五十二爲翰林學士復除侍讀有
作興國寺六祖畫贊

三年戊辰先生年五十三任翰林學士有和子山元
旧省宿致齋白髮蒼顏五十三之句是年省試先
生知貢舉開院时有與李方叔詩序云僕與李薦
方叔相知久矣僕願貢舉事李不得第愧甚作詩
謝之又充館伴此使按先生與陳傳道書云某頃
伴虜使頗能誦某文

四年己巳先生年五十四任翰林學士三月內累旨
請郡除龍圖閣學士知杭州按子由作先生墓誌
云 宣仁心善先生辨蔡持正之謫出郊遣內侍
賜龍茶銀合用前執政恩例先生以七月三日到
杭州任謝表云江山故國所至如歸父老遺民與
臣相問到任有謁文宣王廟祝文云簪自太史通
守是邦今由禁林出使浙右又有謁諸廟祝文先
生之師杭也替林子中故先生和子中詩有江邊
遺愛啼斑白之句是歲子由使契丹先生有詩送

之有單于若問君家並莫道中朝第一人及先生
出牧餘杭子由代爲學士

五年庚午先生年五十五在杭州任有論西湖狀及
論高麗公案

六年辛未先生年五十六在杭州被召則在杭不過
一載也先生之被召也林子中復來替先生是以
先生與子中啓有適相先後之說旣到京師除翰
林承旨復待邇英按子由所作穎濱遺老傳云先
生召還本除吏部尚書復以臣故改翰林承旨臣

之私意元不遑安乞寢臣新命與兄同備從官不
報候鯖錄云先生元祐中再召入院作承旨乃益
舊擬作衣帶馬表云枯羸之質匪伊垂之帶有餘
斂退之心非敢後也馬不進數月以第嫌請郡復
以舊職知潁州按先生懷舊別子由詩云元祐六
年予自杭州召還寓居子由東府數月復出領汝
陰時予年五十六矣有到潁未幾公帑已竭齋厨
索然戲作數句候鯖錄云元祐六年冬汝陰久雪
人饑一日天未明先生簡名議事曰某一夕不寐

念潁人之饑欲出百餘千造炊餅救之老妻謂某
曰子昨過陳見傳欽之言僉判在陳賑濟有功不
問其賑濟之法某遂相招冷時面議曰已備矣今
細民之困不過食與火耳義倉之積穀數千石便
可支散以救下民作院有炭數萬秤酒務有柴數
十萬秤依元價賣之可濟中民先生曰吾事濟矣
遂草放積欠賑濟奏又奏乞罷黃河夫萬人開本
州溝瀆從之

七年壬申先生年五十七在潁州按侯鯖錄云死

七年正月東坡在汝陰洲堂前梅花大開月色鮮
霽王夫人曰春月色勝如秋月色秋月令人慘悽
春月令人和悅何如召趙德麟輩來飲此花下先
生大喜曰吾不知子亦能詩此真詩家語耳遂召
與飲先生用是語作減字木蘭花有不似秋光只
與離人照斷腸之句已而改知楊州先生之在顙
也與趙德麟同治西湖未幾有維揚之命三月十
六日湖成德麟有詩見懷先生次韻又再和之冷
齋夜話云東坡鎮維揚幕下皆奇豪一日石塔長

老求解院歸西湖坡將僚佐袖中出疏使鼂無咎
讀之其詞有爲東坡而少留之句已而以兵部尚
書召復兼侍讀是年南郊先生爲鹵簿使尋遷禮
部尚書遷端明侍讀學士有讀朱暉傳題文潛語
後及作醉翁操任兵部尚書日有薦趙德麟狀

八年癸酉先生年五十八任端明侍讀學士是年
先生繼室同安郡君王氏卒於京師按先生作西
方阿彌陀贊序云蘇某之妻王氏元祐八年八月
一日卒於京師謹按先生初娶通義郡君王氏乃

同安之堂姊也先生祭王荅錫丈人云某始婚姻
公之猶子允有令德天閼莫遂惟公幼女嗣執壺
篚由是推之通義爲同安之堂姊明矣又有八月
二十七日建隆章淨館成一絕有坐待官人畫韶
回之句復以二學士出知定州九月十四日東府
雨中作示子由云去年秋雨時我在廣陵歸今年
申山去白首歸無期蓋定州之除在九月內到定
州任則有祭韓魏公文

紹聖元年甲戌先生年五十九知定州就任落兩職

追一官知英州有辭宣聖文行至南康軍再貶寧
遠軍節度副使惠州安置過虔州有記真君籤說
云八月二十一日過虔州與王巖翁同謁祥符宮
又有初入贛州作又有題天竺樂天石刻云余年
幼時先君自虔州歸言天竺有樂天詩今四十七
年矣是年十月三日到惠州寓居嘉祐寺十二日
與幼子過同遊白水佛迹浴於湯池又按長短句
浣溪沙序云紹聖元年十月十三日與程鄉令侯
晉叔歸善簿覃汲游大雲寺野飲松下設松黃湯

作此闕余家近釀酒名萬家春時有虔州鶴田處
士王原子直不遠千里來訪留七十日乃去至十
一月有戲贈朝雲詩又有與吳秀才書吳乃子野
之子其書云過廣州買得沈檀數斤定居之後杜
門燒香深念五十九歲之非矣

三年乙亥先生年六十二在惠州上元夜詩云
去年中山府老病亦宵興今年江海上海房寄山
僧以歲月考之去年甲戌上元先生知定州今歲
乙亥寓嘉祐僧舍故有雲房寄山僧之句是年遷

居于合江亭以先生別王子直語觀之紹聖三年
十月三日始至惠州寓於嘉祐寺明年遷于合江
之行館得江樓豁徹之觀忘幽谷窈窕之趣三月
四日同太守詹範器之等同遊白水山又有與陳
季常書云到惠州將半年矣

三年丙子先生年六十一在惠州有和陶淵明移居
詩云余去歲三月自水東嘉祐寺遷去谷江樓迨
今一年得歸善後隙地數畝父老云占白鶴觀基
也意欣然居之營白鶴新居始於是矣當年惠州

修東西新橋先生助以渾滯而子由亦以史夫人
頃入內所賜金錢數千爲助及橋成日先生有詩
落之又有曇秀道人來訪先生而先生題其詩卷
云予在廣陵曇秀作詩予和之後五年曇秀來惠
州見予時吳遠遊陸道士亦客于先生歲暮以無
酒爲嘆七日朝雲卒先生有悼朝雲詩及墓誌又
於惠州栖禪寺大聖塔葬處作六如亭覆之

四年丁丑先生年六十二在惠州按先生與張天和
長官書云賤累閏月初可到又云承問賤累正月

未已到贛上矣閏月上旬可到此也又按先生丙子年與毛澤民書云長子授韶州仁化令中冬當挈家至此某買得數畝地在白鶴峰上已令斫木陶瓦作屋二十間以此考之先生長子自冬挈家至閏二月方到惠州五月先生謫授瓊州別駕昌化軍安置則五十九歲惠州客至是六十二歲又過海也按志林云余在惠州忽被命謫儋耳太守方子容自攜告身來弔余曰此故前定吾妻沈事僧伽甚誠一夕夢和尚來辭云當與蘇子瞻同行

後七十二日有命今適七十二日矣豈非前定乎
遂寄家惠州獨與幼子過渡海按先生和淵明移
居詩序云丁丑歲余謫海南子由亦謫雷州五月
十一日相遇於藤同行至雷六月十一日相別渡
海時余病瘳呻吟子由亦終夕不寐因誦淵明詩
勸余止酒乃和元韻因以贈別庶幾真止矣又與
楊濟父云獨與幼子過南來餘皆留惠州生事狼
狽勞苦萬狀然留中亦自有脩然處也今日到海
岸地名遞角場明日順風卽過瓊矣卓吾子曰此

數語坡公自畫過海圖也傷哉痛哉到儋州有儋
州謝表按子由作先生墓誌云紹聖四年先生安
置昌化初僦官屋以庀風雨有司猶謂不可則買
地築室昌化士人畚土運甓以助之爲屋三間又
按先生與程文父推官書云初至僦官屋數椽近
復遭迫逐不逸買地結茆又按先生與程儒書云
近與兒子結茆數椽居之勞費不貲矣賴十數學
者助作躬泥水之役又云新居在軍城南極湫隘
然則先生居在軍城南隣於天慶觀先生天慶觀

乳泉賦云吾索居儋耳十築城南隣於司命之宮
是也又有桄榔庵銘云東坡居士謫居儋耳無地
可居偃息桄榔林中摘葉書銘以記其處

元符元年戊寅先生年六十三在儋州九月四日遊
天慶觀有信道法智說是年吳子野來訪先生先
生以詩贈之其序云去歲與子野遊逍遙堂因往
山西叩羅浮道院宿于西堂今歲索居儋耳子野
復來相見又有記筮卦云戊寅十月五日久不得
子由書憂不去心以周易筮之得渙六三又有記

諸說云海南以諸爲糧幾米之十六今歲諸菜不
熟以客舶方至市有米也

二年己卯先生年六十四在儋州時久旱無雨陰翳
未快至上元夜老書生數人相過曰良月佳夜先
生能一出乎先生欣然從之步城西入僧舍歷小
巷民夷雜揉屠沽紛然歸舍已三鼓矣歸錄其事
爲己卯夜書是歲閏九月有瓊州進士姜君弼唐
佐來儋耳從先生學有與姜唐簡云已取天慶觀
乳泉潑建茶之精者念非君莫與共之

元年正月五日自南陵還過南安軍舊法掾吳君
示舊所作石鍾山銘爲題其末乃知先生首正過
南安也正月到虔州有與錢濟明書云某已到虔
州二月十間方離此及發虔州過吉州永和鎮清
都觀有謝道士自言丙子生求詩爲賦一首及爲
伯贊并寫清都臺三字中途又爲南安軍作學記
寫海外所作天慶觀乳泉賦四月舟行至豫章彭
蠡之間過成國程夫人忌日廼寫圓通偈云行當
施廬山有道者又有與胡仁修書云旦夕到儀真

至常五月行至真州瘴毒大作病暴下
中止於常州按先生寄朱行中詩有至今不食寶
鼎然照塵寰之句先生注云前一日夢中作此詩
寄行中覺而記之自不曉接近日曾端伯百家詩
選志朱行中事迹云東坡夢中寄朱行中一篇南
遷絕筆也嗟乎先生之文如萬斛泉源而乃止於
夢中寄行中之作惜哉六月上表請老以本官致
仕七月丁亥卒於常州實七月二十八日也是爲
徽宗登極之元年辛巳云按子由作先生墓誌云

先生七月被病卒於毘陵吳越之民相與哭於市
其君子相與弔於家計聞於四方無賢愚皆咨嗟
出涕太學之士數百人相率餞僧惠林佛舍嗚呼
先生文章爲百世之師而忠義尤爲天下大閑加
之好賢樂善常若不及是宜計聞之日士民懽哲
人之萎朝野嗟一鑑之逝皆出於自然不可強而
致也以次年閏六月葬於汝州郟城縣釣臺鄉上
瑞里

年譜後語

東坡守膠西時熙寧乙卯也任宦十九年家日益貧
元豐己未於吳興被逮赴獄黃州安置寓居定惠寺
遷臨臯亭就亭立南堂辛酉在黃二年以困匱故人
馬正卿爲請故營地使躬耕其中所謂東坡者也明
年始就東坡築雪堂以居紹聖甲戌寧遠軍之謫惠
州安置寓居嘉祐寺就寺立思無邪齋明年遷于合
江之行館又明年得歸善後隙地數畝營白鶴新居
丁丑新居成未幾謫瓊州昌化軍安置初僦官屋
爲有司迫逐乃買地城南築第數椽鄰天慶觀極湫

監嘗偃息枕櫛林中摘葉書銘以記其處在儋四
食芋飲水其窮甚矣元符庚辰得赦北歸明年爲建
中靖國辛巳七月丁亥卒于毘陵坡公涉世多難如
此徐杭汝潁牧守之樂中書翰林侍從之榮定州方
面之貴所得幾何而四十五年間南北奔走風波瘴
癘之鄉饑餓勞苦曾不得一塵環堵爲終老地是故
余讀王宗稷所爲先生年譜深感于心因述方氏所
記并春渚紀聞以補年譜之遺云

燕石齋

贈光祿鄉前翰林脩撰升庵楊慎年譜

新喻簡紹芳編次

公姓楊氏諱幙字用修別號升菴其先廬陵人六世祖諱世賢者元末避歐祥之亂徙楚麻城再避紅軍亂乃入蜀居新都世賢生壽山隱德弗仕樂善行誼鄉閭化之有李佛子之稱蓋世賢贅李氏子孫冒其姓也壽山生玟字美玉習春秋善歐書元配郭氏生子二曰遠曰政卒娶羊氏無子卒娶熊氏生子三曰春曰惠曰哲以貢士仕爲貴州永寧吏目却土官之賂金正州民之地界貴陽人傳誦之卒於官遠政亦

相繼歿熊夫人携二孀婦偕三幼子負遺骸歸新都
苑之城西春卽公大父紹耕公也性穎敏日記數千
言家舊藏周易一部昕夕研究日漸有得乃入縣學
爲諸生復姓楊氏成化元年乙酉舉於鄉十七年辛
丑舉進士移疾歸養弘治元年以熊夫人命北上授
行人司司正時王端毅公爲太宰擬授之際顧謂少
宰張莊簡公曰老成人任此官固宜八年陞湖廣提
學僉事踰年乞歸留耕公配葉氏子七人長廷和卽
公父少師石齋次廷平號龍山戊午舉人終養不仕

廷儀號瑞虹已未進士兵部左侍郎廷簡早卒廷宣
號龍崖辛酉舉人猷擅古學爲李文正公所稱嘗著
連雲棧賦載蜀志皆葉夫人出廷曆以石齋考滿廕
國子生廷中縣學弟子側室王氏出石齋公生於天
順己卯甫四歲知聲律日記書數卷年十二舉於鄉
二十舉進士由翰林庶吉士歷官少師兼太子太師
首相兩朝有除難定策之功焉子四長卽升菴公太
師元配一品夫人眉山黃公明善之女所出次惇號
敘菴癸未進士兵部職方主事恒號貞菴承廕中書

督學南峰劉公內試而奇之曰吾不能如歐陽公乃
得子如蘇軾是秋果擢易魁九月安人王氏來嬪清
素僅如田家禮十一月上禮部戊辰春試主考王公
鏊梁公儲得公文已置首選卷偶失燭遂下第有空
吟故國三千里悔讀南華第二篇之句入國學祭酒
周公玉類試之曰天下士也已已歷事禮部周旋朝
夕不倦尚書劉公字一日見公問曰子爲誰公對曰
楊煥劉曰本部天下人豈必一大臣子弟耶乃稱嘆
不置辛未禮部費公宏知貢舉入總文衡則斬公貴

擢公第二殿試則及第第一制策援史融經敷陳弘
割讀卷官李公東陽劉公忠楊公一清相與稱曰海
涵地負大放厥辭共慶朝廷得人授翰林脩撰公時
年二十四癸酉丁繼母喻夫人憂居家讀禮聘儀一
無所受學憲劉公節稱之曰禮不忘於口誦義每絕
乎聲交明年藍鄙諸寇作公在邑城中日夕戒嚴有
賊數百詐稱宿軍以給門者公令守雉嫖者詰之散
去乙亥服闋冬十二月北上舟至嘉定黃閣扁幾危
而得濟送與布政伍公猗隣舟倡和于江陵丙子入

翰林爲經筵展書官及校文獻通考同館則鄒公守
益王公思尹公襄劉公某孫公紹祖張公潮也丁丑
爲殿試掌卷官得舒公芬策以陳閣老梁公儲不置
出魁公力爭乃得首第時

武皇遊幸宣大榆林諸邊返而復往公䟽切諫不報
乃以養疾乞歸明年壬寅入卒已卯繼室得遂寧黃
簡蕭公珂女時江西寧藩之變值石齋公藩國公經
廣漢詩曰遊子戀所生不獲常懷安大哉宇宙內吾
道何盤桓庚辰九月公北上仍舊官辛巳四月

世宗皇帝即位五月公爲殿試受卷官八月開經筵
公首作講官進尚書金作贖刑之章言聖人贖刑之
制用於小過者與民自新之意若大姦元惡無可贖
之理時大闢張銳于經筵皆犯先朝事罪當死以進
金銀得免故及之壬午二月

命公代祀江瀆及蜀藩諸陵寢著江祀記與給事熊
公浹御史簡公齊遊浣花溪載酒賦詩有烟霞誰作
主魚鳥自相親斗酒千金賔扁舟兩玉人之句十二
月北上復

命癸未纂修

武廟實錄公練習朝典事必直書總裁蔣公冕費公
宏曰官階雖未及實堪副總裁者乃盡以草錄付校
時六年考滿吏部侍郎羅公欽順考公語曰文章充
樞乎科名愼修名協乎名字申申七月兩上議大禮
疏嗣復跪門哭諫申元日下獄十七日廷杖之二十
七日復杖之公斃而復甦謫戍雲南永昌衛時同事
死者配者黜者左遷者一百八人公舟由潞河而南
值先年被革挾怨諸人募惡少隨以伺害公知而備

之至臨清始散去時公年三十七乙酉正月至雲南
病馳萬里靡憊特甚栖栖旅甲方就醫藥而巡撫台
州黃公衷促且甚公力疾冒險抵永昌幾不起巡按
郭公楠清戎江公良材極爲存護卜館雲峰居之且
上疏乞宥議禮諸臣而郭亦被

詔下獄爲民丙戌九月聞石齋公寢疾定馬聞道十
九日至家石齋公悅而疾愈七月携家就戍所十一
月尋甸府土舍安銓變起十二月武定土舍鳳朝交
亦起攻掠城堡爲患孔棘公嘆曰此吾效國之日也

乃戎服率旅僮及步騎有餘往援木密所守禦入城
與副使張義謀固守明日賊來攻城寧州土舍陸紹
先率兵戰城下公促城中兵鼓譟開門出戰以助外
兵賊散去公復歸會城戊子春疫殍大作乃徙居珥
海城疫息仍居雲峯幽書伍公文定黔國沐公紹熙
鎮守太監杜唐同來問疾時公一足病有半人啣鑿
齒一足笑虞夔之句已丑八月寓趙州聞石齋公計
奔告巡撫歐陽公子重疏上得歸襄事十一月還滇
壬辰正月布政高公公昭聘修雲南通志館於滇之

武侯祠時鄉大夫有欲冒嗣潁川侯爵友德以覲世
爵者公不可乃乘張羅峰復相流言欲申嘗公遂去
有中宵風雨太多情留住行人不放行借問小西門
外柳爲誰相送爲誰迎之句癸巳西遊大理諸處會
揭山張公舍於霽虹橋刻詩崖崿以志別甲午阿迷
州僉事王公廷表迎往館之經臨安納少室新喻人
周氏乙未六月子同仁生丙申至喜州訪給事楊弘
山士雲復寓點蒼山感通寺之寫韻樓丁酉與御史
李中溪元陽遊石寶山七月還戍所戊戌奉戎檄歸

蜀使道復拜阡梓事畢還滇己亥十一月再領戎役
于重慶道庚子役事竣至遂寧七月歸新都八月巡
撫東臯劉公大謨聘公及主壘王公元正方洲楊公
名纂脩蜀志親以還滇至東瀘疾作巡撫龍山戴公
金留之返成都與梓谷黃公華珥江劉公大昌遊青
城丹景臺諸山壬寅七月還戍所八月納少室北
京人曹氏癸卯十二月子寧仁生公大喜時當道與
黔國沐公交遊士夫俱詩章宴賀有天上麒麟輝蜀
水海中龍馬過滇池之句是年公復領戎役於蜀甲

辰至瀘州與少岷曾公與遊九十九峰山四月還戊
所乙巳二月徙居大理與門生董難尋龍谷山經喜
臉會弘山諸公倡和九月還戍所丙午丁未居滇之
高峽有十二景與土大夫交遊二月公屬紹芳錄
漢王褒移金馬碧雞交於羅漢寺之崕允招提佳勝
會意處便摻觚留題冬十月公復適臨安訪吳憲樊
公景麟暨桐岡葉公遊諸巖洞勝境戊申春至晉寧
與侍御池南唐公鏞遊海寧蟠龍生佛諸山陀已酉
居高峽夏種每與滇之鄉大夫兩湖葉公在軒胡公

武廟閣文獻通考天文星名有注張命內閣取秘
通考又作注張申使下開欽天監及翰館中皆莫知
爲何星也公曰注張柳星也歷引周禮史記漢書以
復又湖廣土官水盡源通塔平長官司進貢同官疑
爲三地名於長官司上添一三字公曰此六字地名
也取大明官制證之嘉靖初給事中張紳上言時政
論學術不正一條有齒宇嵬瑣之語

上問之內閣公適在館中即取荀子非十二子篇以
復敬所將公喜曰用脩之構何臧古之蘇頌乎其該

洽精辨類如此乃若論王導之賊晉室辨太王之非
翦商魯之重祭不始於成王周公春秋五伯深斥乎
楚宋秦繆引墨子及修文御覽以辨范蠡無載西施
之事引黃東發蘇東坡之言及李漢韓文序以辨文
公與大顛書之僞駁歐陽氏非非堂之說辨陳白沙
六經皆虛之語斥戴石屏之無行傳唐書梅之死節
此又證據古今闡揚幽隱謂其有功世教也非乎至
若陶情乎豔辭寄意於聲伎落魄不羈又公所以用
晦行權匪恒情所易測者也昔重慶守劉公繪貽公

迂祿偕紹芳數遊昆明池有池賞詩社集庚戌四月
海口疏鑿南臺司顧箬溪諸公請公記其事於石壬
子二月時在逸武弁得委祭龍海口歸肆狂惑復丁
夫六千督往駐潯剝衆利州人苦之有言于公者公
嘆曰海已涸矣田已出矣民已疲矣致書巡按趙公
炳然罷之三月劉葵峯明刑持先迂扁執齋公王詩
文集請公批選於太華寺癸丑公復領戎役於蜀僑
寓瀘州丁巳六月長子同仁卒無嗣八月歸新都敘
菴第卒公廂棹倍於尋常其詠辭有曰我生與弟先

後之年呱呱而泣形分氣連夏炎令簞冬寒並毡母
携父抱隈濕就乾八歲就傅斐筆一研嬉戲偕止出
入隨肩飲啖讓果跬步共碑又曰七泰將躋我歸自
滇兄剛弟勸翕樂罔愆觴我于庭群從孿劇談飛
屑倡和珠璣笑語亟斷頃刻弗延豈意宴席化爲几
筵具爾凋喪門祚中顛又弱一人何忍余捐余生則
先弟亡則前前後後存亡誰質諸天其友愛至情見於
辭者如此至若保誨遺孤紀綱家政既乃心力從子
有仁以髫年失怙而幸免於顛覆者皆公惠之及也

戊午子寧仁娶瀘州滕恩官女爲室。公僑寓江陽者
十數年。交遊日衆。與曾岷野章后齋諸公友善。已未
春還戍所。六月遘疾。感懷詩曰。七十餘生已白頭。明
明律例許歸休。歸休已作巴江叟。重到翻爲滇海囚。
遷謫本非

明主意網羅。巧中細人謀。故園先隴。痴兒女泉下傷
心也。淡流又訣李張唐三公。詩云。魑魅導客八千里。
羲皇上人四十年。怨誹不學離騷侶。正葩仍爲風雅
仙。知我罪我春秋筆。今吾故吾逍遙篇中溪。李元半

谷

張含池南唐錡叟此意非公誰與傳卒於七月六

日得年七十有二時巡撫雲南游公居敬命殯歛歸

新都庚申冬附塋石齋公墓側丁卯

穆宗皇帝卽位奉 遺詔追贈光祿寺少卿長子

仁先卒次子寧仁時寓瀘州公卒之年夫人黃至瀘

迎歸撫教則夫人任之也公孝友性植穎敏過人家

學相承益以該博凡宇宙名物之廣經史百家之奧

下至釋官小說之微醫卜技能草木蟲魚之細靡不

究心多識闡其理博其趣而訂其訛謬焉正德間

書曰夫人情有所寄則有所忘有所議則有所棄寄
之入縱則忘之不遠議之不深則棄之不篤忘之遠
則我無所貪棄之篤則人無所忌無所忌而後能安
無所貪而後能適足下所爲蓋求其適與安也古人
買田宅擁聲伎皆豪傑蓋世之才豈獨無抱尺寸者
之見也僕觀足下自蒙難以來嘔心苦志摹文續經
延搜百氏窮探古蹟鑿石剝剝破塚出遺忘有僻
儒苦士白首蓬蒿日自纂索所不能盡而謂竭精湯
神於逸欲聲色者能之乎斯言也可謂諒公之深者

矣公嘗語人曰資性不足恃日新德業當自心力中
來故好學窮理老而不倦又嘗自贊曰臨利不敢先
人見義不敢後身雖無補於事業要不負乎君親遭
逢太平以處安邊歌咏擊壤以終餘年天之顧厚
矣篤矣吾之涯分止矣足矣困而亨冲而盈寵爲辱
平爲禍者耶此公自狀實錄也平生著述四有餘種
斯邇者多學者藉恨未睹其全茲聊記其知名之目於
簡末俟有所考云